

Aiò o mà parlami corsu
A ti dumandu pè piacè
Sai ch'ellu mi gherba troppu
È bramu d'amparallu da tè
Ùn vogliu esse un saccu biotu
Ma quellu pienu di sapè

Aiò o mà parlami corsu
Ùn hè chè da tè ch'o l'aspettu
Ùn mi tene altru discorsu
Pè dispacciammi u t'affettu
Aiò veni à mio succorsu
Ùn sghisgià micca lu sugettu

Parlami a "lingua materna"
Ghjunta da l'alta antichità
È per ch'ella dimori eterna
Aiò parlami corsu o mà
Què a ti dumandu pè strenna
Cum'è unica eredità

Falla cresce a mio cultura
Daumanu vogliu avanzà
Alluntanami di a bughjura
Di a gnorente oscurità
Imparami a lingua pura
Ch'o a possi trasmette o mà